

彭國直公奏稿

彭明重公奏稿

彭剛直公奏稿卷之三

奏報巡江起程摺 光緒七年二月二十七日

奏爲

微臣

巡閱長江五省水師並出吳淞海外會操各兵輪船由江南起程日期仰祈

聖鑒事

臣

奉

旨每年巡閱長江並出海會操各省兵輪船一次上年八月事竣以俄事喫緊不入浙江休息暫

駐江南不時往來江陰吳淞操防業經專摺具奏

旨知道了欽此在案旋以海防警報頻來

臣

月出海督操查看水陸防務一次卽在江南度歲未敢休息調養病軀開年以來海防安謐刻下俄事已

結自長江焦山江陰以至吳淞水陸操防如故未敢懈弛此時無事其海防事宜應歸南洋大臣兩江督

臣

劉坤一專政以一事權無庸

微臣

兼顧春水方生長江是

臣

專責長江湖河縱橫萬里在在防閑宜謹

臣自應仍遵前

旨出巡

臣

楚南散材以久病之殘軀沐

聖恩之優渥不責

臣

以官守得以差事

餘閒隨處養病自顧何人膺茲

殊眷感激涕零雖碎骨粉身莫能圖報萬一往年冬令肝平病不增

劇可借調理休息稍蓄精神去冬以海防喫重十一月在吳淞防次曾略血一次十日始痊今年正月立

春後心忡氣逆咯血以及舊創筋骨發損疼痛逐病加劇心動神疲恆難自主頽唐老病苦狀難名然以

一介書生受

恩深重一息尙存不敢以夙疾久摠因私廢公稍涉遲延雖仰臥呻吟不須奔走有舟

可行茲定於三月初十日由江南海防差次起程先出吳淞海外會同江南提督李朝斌閱操兵輪船水

陸槍礮技藝再行入江督同長江提督李成謀先後分道據營察看務期各鎮將弁兵安不忘危勤慎操練槍礮槩舵刀矛藤牌跳躍各雜技精以求精劣者怠著嚴參懲責隨時咨明沿江各督撫並長江提督彙案辦理以一事權臣智慮所及不敢徇私示恩其有稍涉嫌怨之事自當凜遵 諭旨專奏特參於

此海上得一日平安無事正海內得一日整頓武備之時臣不敢自昧天良因循顧頹以壞 朝廷功

令而疲軍政惟知盡職盡心以仰副 宵旰憂勤慎重江海防務之至意除俟查閱五省情形事竣另

行具奏外所有扶疾起程巡閱江海日期理合先行恭摺具陳伏乞 皇太后 皇上聖鑒訓示

謹 奏

力阻鐵路請造小輪船片 光緒七年二月二十七日

再俄人遠懼 天威革面革心敬服 懷柔刻已無事可漸紓 宵旰隱憂矣從來和局漢唐所

有而單于匈奴之邊釁仍復屢開滋擾爲患者蓋彼族性同犬羊貪狼無厭只知畏威不知懷德伊古以來如是也我 國家承平日久邊海之防久疏未備復因洪楊嚙逆之亂兵力不暇及遠以致英夷各

國乘間入我內地屢肆囑囑屢歸和局在我 朝廷厚澤柔遠無微不至而彼族類則得寸進尺得尺

思丈至於今日不可收拾臥榻之側已爲他人鼾睡普天之下稍有血氣者莫不髮指竇以我不能自強學尙西法食其唾餘非借彼不行此所以不能威服遠人俾該族肆其犬羊之性玩我於掌上故也今俄

事倖和兵事不興實賴

朝廷威德兼施所致幸此時海上得一日平安正我海口得一日預備疆臣

大吏臥薪嘗膽同心合力和衷共濟正在此時機不可失也趕緊添造輪船廣儲軍火拔擢人材籌餉籌兵不當用者宜極力持節省不可附和以儉事應當用者萬不可節省務期實事求是以成事方稱未雨綢繆老成謀

國之道除一面講求武備以先固藩籬外仍一面講求吏治軍政士習民風以固根本庶可日漸於強以服遠人可免無事倘或此時倖免無事苟偷旦夕之安不防轉盼之危得過且過甚至因循泄沓粉飾顛預以固爵祿亦或好大喜功徒炫才能虛糜庫款專講洋法舍己求人用夷變夏不復顧後三思則爲禍非臣所能知也從來強兵必先富

國末有不富而能強者此時國瘠民貧求富之法只在節省鉅款以不宜用之費以分濟當用之費則費歸實用矣一處費不糜處處之費悉不糜如居家飲食酬應不稍浪費而月積年累不求富而自富於無形之中治

國如治家理在宜然也卽如購

鐵甲船造火輪路此鉅費之糜何爲乎不思自強之法而欲借他人之法以爲強是自欺也是欲糜傾

國數千百萬鉅費終爲他人作嫁也從來有海防無海戰之法棄海口不設法嚴防以固門戶而欲以鐵甲爭勝於大洋果確有把握乎茲不俱論卽以鐵路而言無非欲求自便不思便於己者亦可便於人我能於此鐵路往來彼亦能於此鐵路往來官軍可於此鐵路往來盜賊亦可於此鐵路往來且往年雲南之費爲鐵路也吳淞之費亦爲鐵路也固有不准洋人開鐵路而永禁在案者今乃自開鐵路不但使該

洋人借爲口實亦且卽此開洋人多事之端我自作俑能復禁彼洋人不於中國舟車所不能至之處而造鐵路以至之乎長江萬里之險天所以限南北也能戰能守鐵路成則長江天塹失王營到京千五百餘里程途供行李往來爲生者數十萬人鐵路成則此數十萬人生計絕饑寒所迫必至聚而爲盜此可慮也大河南北近歲水旱頻仍仰賴

兩宮太后

皇上恩慈賑恤得以無事然人事無常天時

亦無常倘或雨暘不能時若加之王營至京失業數十萬游民難保不萌亂階

畿輔切近此尤爲可

慮也是言鐵路能獲大利者

臣

恐大利未獲而大害隨之孰重孰輕不言而明況此時各海口急宜籌辦

要務無費可籌莫若節此鉅款分作海口防務之急需使固海口之防靜以待動有備無虞而後內地始能從容謀富及強否則永不能富強而能外侮不入內患不烈乎應請我

皇太后

皇上聖智

獨斷不准開此鐵路先節此糜費之大款以辦急需

臣

去年秋奏請於吳淞海防添造十八丈長兵輪船

十隻爲永遠固長江門戶之要務仰蒙

天恩俯允飭江南等省分造以期速成此軍查此款經費無

多而急需籌備應請於節省此鐵路鉅費中分十分之一

飭沿江各督撫同力合作籌款酌助南洋

大臣迅成此工以先立自強之一端

臣

一介書生不學無術加以老病頹唐無能爲也而愚戇成性不知

忌諱時際艱難不安寢饋雖無位之可尸實有職之當盡用敢直陳是否有當不勝悚惶待命之至伏乞

聖鑒訓示謹

奏

籌辦焦山以下江陰以上海防片

光緒七年二月二十七日

再臣去秋巡江事竣疊奉

諭旨籌辦焦山江陰以下至吳淞一帶海防事務維時俄事喫緊警報頻

來臣學淺才疏惟有盡職盡心以力之所能爲者而爲之力疾籌辦未敢稍存欺懈查江陰以上焦山以

下其中有南岸圖山關北岸東生洲江面最爲險隘

臣

以前兩江督

臣

李宗義興造沿江礮臺時所擇之

地歷年以來兩江督

臣

唐易悉以軍需總局司道所議庫款空虛於此要隘未及修理

臣

去年八月親赴

該處確查舊有道光二十二年所築兩岸礮隄基址尙固稍爲損壞尙易修理所有以前存隄礮年久

爲風雨鏽爛多不可用然其地柳林蘆葦實足以安礮作埋伏之師合乎兵法出不意攻不備也無如難

籌大礮以及兵勇守護一時不能應急

臣

因商長江提督李成謀於長江上游水師各汛不急之處抽調

洋裝大礮及各陸路搜尋舊存可用之大礮共得七十餘尊以船運來該兩處飭派瓜洲鎮總兵吳家榜

就近調該標將弁抽撥長龍舢板戰船齊集圖山關東生洲一帶擇要重新修築礮隄營壘營房及子藥

房添做礮架開濠築壘卽以吳家榜督修不日成之抽調水師戰船兵一半登岸駐守操演各隄大礮仍

留兵一半在各船以防不虞爲一時權宜應急之計惟慮後路空虛旋商兩江督

臣

劉坤一派來九江鎮

總兵章合才所統合字老湘勇兩營來分紮兩岸幫同防守自去秋及今春均能各盡心力無懈刻下俄

事已結春水方生長江各港歧分歧急須水師各歸汛防此時此處無事不須長江水師將弁兵丁在此

羈留兼顧臣已飭吳家榜將圖山關東生洲兩岸操練礮礮之將弁兵丁仍調回各船悉歸上游各汛地
以重江防而專職守所有去秋在長江上游水師提鎮各標調來應急洋裝大礮仍飭以船運歸還各標
應用所有臣於別處陸路籌來或萬斤或數千斤之大礮卽存此處以備將來有事之用均商南洋大臣
劉坤一飭陸師老湘合字營專管以免遺失以一事權又焦山都天廟兩處舊修礮臺向係章合才營
勇遵軍需局司道勘定地位修築看守至今雖屬堅固但江路逐年變遷其礮臺共有礮八尊不得力
雖有若無臣於去秋在彼察看不能不改地步以期該礮得力命中卽飭章合才督飭在防將官記名提
督陶定昇參將彭怡盛率在防勇丁卽日擇要隘移改造明礮臺八座亦不日成之較舊造礮臺工程
一律堅結完固卽擲不得力之大礮安於其中操演的當並未動用軍需局經費係合字營將官自願報
効無庸報銷至於圖山關東生洲兩岸礮隄營房子藥房土木甃石礮架柵欄礮蓋一切係吳家榜督水
師兵丁所造臣亦不時親往監修不敢糜費共用去湘平銀二千七十餘兩由吳家榜報兩江軍需局另
行報銷所有焦象山都天廟礮臺圖山關東生洲等處礮隄均是章合才老湘營分守最稱得力軍民相
安地方德之查章合才老成諳練拙於逢迎精於治事營伍整肅實事求是各將官勇丁亦皆久經戰陣
多由甘肅受傷乞假歸湘傷愈來此者臣留心察看數月以愚昧之見章合才並江陰礮臺統領福建陸
路提督唐定奎吳淞口礮臺統領記名提督吳宏洛以及各部下將官均身經百戰誠篤結實不尙虛華

有爲有守又管帶毅字營陸師江蘇候補道王之春鎮江府參將姚靖戎均有爲有守遇事可靠堪以上紆宸廑合併聲明伏乞 聖鑒訓示謹 奏

覆奏加意籌備片

光緒七年二月二十七日

再二月十四日奉

上諭前據總理各國事務衙門奏與日本國商議琉球一案降旨交南北洋大臣

等籌議日本使臣突戶璦於未經議定之先卽自棄前議悻悻而去其所請各節於中國存球之意尙未盡善未能卽予准行該國不遂所求尤難保無藉端要挾情事所有沿海各省防務自應嚴行戒備著李鴻章劉坤一何璟張樹聲吳元炳譚鍾麟勒方錡周恆祺裕寬督飭各營妥爲備豫不動聲色靜以待之毋得稍有疏懈聞日本造小鐵甲輪船兩隻可以駛入長江並著彭玉麟李成謀加意籌備毋爲所乘定海一廳四面環海應增調閩省輪船以助兵力並著何璟勒方錡譚鍾麟黎兆棠會商辦理將此由五百里密諭李鴻章劉坤一何璟張樹聲彭玉麟吳元炳譚鍾麟勒方錡周恆祺裕寬並傳諭黎兆棠李成謀知之欽此臣當卽恭錄傳諭李成謀一面飭長江水師各營不動聲色嚴密豫防靜以待動不敢稍涉疏虞查定章今年巡閱係由下江湖流而上長江提督李成謀衙署向駐下江並函商該提督從緩出巡以便就近督率水師將弁嚴防由海入江各要隘此時日本尙無舉動自應仍照章巡閱上駛設或下江有警該提督李成謀老成諳練調度有方極爲可靠再會同瓜洲鎮總兵吳家榜督率水師舢板疊

志同心相機辦理必可得力臣無論巡抵上江何處一聞警報立即附搭招商輪船星夜下駛以重防務而慰宸廑合併聲復伏乞聖鑒訓示謹奏

遵查武員參款摺

光緒七年六月初五日

奏為確查武員被參各款分別據實覆陳請旨革職以儆官邪而肅官方恭摺仰祈聖鑒事竊

臣於光緒七年四月二十八日在金陵途次承准軍機大臣字寄本月十七日奉上諭有人奏江西

水師統領萬重暄素善鑽營不理營務乘坐綠呢大轎所管船隻八十餘號每船扣勇一名月餉又皆減半發放並借巡哨為名收受各營規禮及一切供應營官向各勇攤派且復大開賭局帶勇各員無不入其局中候補文員亦多赴局又江西南贛鎮總兵王永勝在任以來惟以演劇飲酒囤積販運為事且慣狎優伶並貪買民間女子入署轉為販賣等語武職大員有整頓營伍之責宜如何潔己自愛奉公守法茲據所參各節貪鄙縱佚行同無賴如果屬實大千軍律亟應嚴加懲辦著彭玉麟確切查明據實參奏毋稍徇隱原摺著鈔給閱看將此諭令知之欽此當將即赴江西省並往贛南密訪各緣由於五月初二日恭摺具奏在案臣金陵閱操事竣即於初四日輕舟星夜上駛於十二日過江西省河於二十四日行抵贛州復於六月初三日歸至江西省城均改裝易服不動聲色沿途密訪始行印證明確謹分別據實為我皇太后皇上陳之查萬重暄參款以扣勇減餉收受規禮開局聚賭四者為重江

軍水師勇丁未能足額事所不免然亦時缺時補不致始終虛懸糧餉爲勇丁衣食所資散放則鐫錄難
爽若有減少扣平情弊久當怨聲四達甚且告發有人撫臣近在咫尺斷無不見不聞之理今軍士咸無
違言應無其事收受節壽陋規亦查無實據惟出門乘輿係屬實事却非綠呢大轎並無前呼後擁齊唱
所至盛飾廚傳供帳亦所不免至開局聚賭平時尙不敢爲每值年節逢場作戲則誠有之此臣確查萬

重賄被參各款之實在情形也王永勝參款以貪買民間女子入署經旬累月復行販賣出署大千軍律

爲重臣確加查訪收買販賣實無其事竊思販賣人口雖鄉曲小民稍知自愛者尙不敢爲王永勝以專

閫大員自不敢玩法至此惟狎優飲酒招民間女子入署均非無因查有已革瑞金縣知縣章樹本係關

書之子以瞞稅舞弊起家致富鉅萬參革後寄居贛郡年已老眊尙蓄多妾生平卑鄙慣事鑽營混號二

毛頭聲名狼籍當王永勝初到任時章樹極意逢迎深相結納頻年彼此酬酢聚飲觀劇營務不免廢弛

又章樹曾買桃花村民家女子爲妾復轉贈王永勝爲妾收受未久旋復遣去又王永勝姬妾時情民間

女子入署作繡工在署時日久暫不等或旬日半月或累月始遣出署歷年以來如劉姓康姓俞姓石姓

李姓馬姓任姓民家女子悉有住處可稽皆由王永勝不自檢束不知違嫌以致物議沸騰其實並非販

鬻至原參囤積販運查無其事此臣確查王永勝被參各款之實在情形也候補各員參款以各開賭局

一唱百和敗壞官常爲重經臣確查省標三營將弁皆係武職窮員無資入局惟候補各員每於新年佳

節聚會呼盧如江蘇候補道朱麟成江西候補知府潘駿羣候補知縣楊春澤陳長吉張銘李文同已革知縣柯榮試用通判顧長齡管帶江西內河水師營官記名總兵蕭福皆間時入局偶然聚賭尙無彰明昭著大開賭局一唱百和舉國若狂之事此臣確查候補官員被參之實在情形也伏查兵燹之後仕途流品太雜非大加澄汰莫肅官常其身膺闔寄及派充統領營官者皆一二品大員朝廷不惜高爵

厚祿儲養禦侮之材宜如何操練師船整頓營伍潔己奉公力圖報稱道府爲監司方面大員知縣亦身膺民社莫不貢重事繁際此時艱不思勉力共濟乃或則蕩檢踰閑或則擇補是好居恆未能守法何堪取衆臨民實屬不知自愛有玷官箴相應據實奏參請旨將記名總兵萬重暄南贛鎮總兵王

永勝記名總兵蕭福均革職永不敘用江蘇候補道朱麟成江西候補知府潘駿羣候補知縣楊春澤陳長吉張銘李文同試用通判顧長齡亦一併革職已革知縣章樹柯榮均勒令回籍以儆官邪而肅吏治其江西水師應由督撫臣遴員接統管帶所遺南贛總兵員缺請旨迅賜簡放以重職守仍先知會

撫臣委員馳往接署俾免曠誤所有查明江西武職大員被參各款緣由臣謹會同兩江督臣劉坤一江西撫臣李文敏恭摺具陳伏乞

皇太后 皇上聖鑒訓示再臣巡閱所過沿江數省均雨暘時

宸廬又臣於此次拜摺後仍巡閱長江水師上駛湘鄂合併陳明

遵查兩江總督參款摺 光緒七年七月十六日

奏爲遵

旨確切查明據實具奏仰祈

聖鑒事竊

臣於光緒七年七月初五日在江西鄱陽湖口

巡次承准軍機大臣字寄六月十三日奉

上諭有人奏兩江總督劉坤一嗜好素深又耽逸樂年來

精神疲弱於公事不能整頓沿江礮臺多不可用每一發礮烟氣眯目甚或坍塌又有人奏該督嗜好過深廣蓄姬妾稀見賓客且縱容家丁收受門包在廣東所築礮臺一經霪雨盡行坍塌各等語現在東南海防正關緊要所奏是否屬實著彭玉麟按照所參各節確切查明據實具奏毋稍徇隱江海防務辦理有年究竟有無把握著彭玉麟擇要駐紮將水師各營認真整頓不必拘定巡視長江原議以專責成原摺片著摘鈔給與閱看將此諭令知之等因欽此

臣素性迂謹恭膺巡視長江之

命惟期與沿江文

武諸臣和衷共濟思患豫防職任之外不敢與聞今奉

諭旨查明督

臣劉坤一被參各節自應據實

覆陳不敢稍有徇隱查劉坤一心地寬平向無嗜好始隨江忠源征剿粵逆歷樹戰功及任封疆勤勞素著皆在

聖明洞鑒之中惟勞瘁多年體氣漸弱前在廣東復受瘴溼致有脾瀉痼疾粵醫爲言洋烟

有升提之力因而夜吸數口以期止瀉辦公久之欲禁則舊疾復然畏病故遷延難斷劉坤一常自怨艾尙非耽於逸樂又查劉坤一年逾五旬未有子息置妾爲嗣續計亦誠有之在言者未嘗無因在劉坤一勢不得已與耽於逸樂者情有不同劉坤一到任之始公事原欲整頓客至應時立見家丁嚴行管束

曾見其張貼示諭犯者驅逐惟兩江總督管轄三省公事浩繁非精神四周整頓實大不易非因公來見之客亦不無謝絕之時家丁收受門包各省已成陋習往者惟閣督臣曾國藩前督臣沈葆楨所官之處

真能弊絕風清餘則精神一有未到積弊卽有難防若縱容家丁細訪劉坤一實無此事至

諭旨飭

查劉坤一在廣東時所築礮臺一經雷雨盡行坍塌一節

臣

相去甚遠無從訪查竊思海防礮臺關繫緊

要兵可百年不用不可一日無防防備不實與無備同應請

諭令兩廣督臣

張樹聲確切查明始事

如有未周繼任宜卽補救封疆大吏責無旁貸應改造者力圖改造應修整者力圖修整必思於

國

事有濟豈得以前後相推張樹聲素性公忠曉暢軍事自能熟籌盡善防患未然至

諭旨飭查沿江

礮臺多不可用每一發礮烟氣眯目甚或坍塌江海防務辦理有年究竟有無把握一節查沿江礮臺非

劉坤一一人任內所辦前督臣

李

宗羲於同治十三年實始經營以固海疆之防惟礮臺之設首在得地

次在得人次在得法李宗羲忠清端恪吏治足以表率羣僚而兵事夷務閱歷較少當興築礮臺之時商

勘擇要隘臣

愚以爲礮臺守險須在緊束易守之處可省兵力爲要不在散漫難守之處貪多爲壯再

四詳勘謹擇海舶由狼山福山口入江之江陰鵝鼻嘴劉閩沙南北兩岸對峙可守爲第一重門戶次則

圖山關東生洲南北兩岸江面最窄有險可扼爲第二重門戶再次則象山都天廟南北兩岸焦山雖峙

中流相爲犄角有險可守爲第三重門戶江陰以下形勢寬漫似可無庸浪費焦山而上險隘雖多然皆

長江之堂廡金陵之臥榻矣李宗義復委司道軍需總局各員往勘數次定議興工局員候補道趙繼元專司其事以李宗義爲不知兵性復和平遂一任己意而行目空一切只修焦山象山江陰兩處至甬山關並北岸各隘盡以爲非棄之不築所築者多用暗礮臺故每一發礮烟氣眯目事屬誠然復於鵝鼻嘴之外大小石灣黃山港等江寬散難守之處任性主持修築多臺不問有礮無礮焦山而上至金陵亦復如是所謂發礮墜土坍塌者卽此等處也沈葆楨總督兩江後趙繼元丁憂回籍北岸各隘礮臺臣復商之沈葆楨親往察看始修成之焦山象山礮臺之不善者始修固之去歲劉坤一到任趙繼元起復入局臣約劉坤一親赴下游查閱操演臺礮目見其弊經守江陰統領福建提督唐定奎公同酌議拆去無關緊要之礮臺三十餘座移出礮位以實無礮之臺復修改明礮臺數座以免烟眯木塌石墜傷人之弊且礮臺操練以子藥爲先務戰船相輔拒敵以火器爲急需江甯總局子藥稀少領取不易如噴筒火蛋火球火箭火包之類皆水陸諸軍打仗之急需乃該局全無製造時際艱難經費原屬支絀然似此要需豈可概行節省且善籌畫者凡事必擇輕重緩急之分彼無益之工不急之備往往糜費巨萬置諸無用之地又復聽其損壞而應急備者反委以無款可籌名爲撙節實則因循雖有礮臺徒壯虛聲難期實濟臣未敢冒有把握也欲求實有把握仍以得地得人得法爲先要隘之臺須常增築加修添置礮位製造之法尤須精益求精所有圖山關要隘於今春經劉坤一親勘明白近始修理封疆大吏固須得人委員辦

理亦貴得人劉坤一稟質素弱前在廣東時奏懇終養未蒙

俞允時會艱難受

恩深重遂不敢

復上乞退之章上年與

臣

察看圖山關形勢及各礮臺操演水陸兵勇並出洋一次終日登山陟險步履

尙健于

臣

惟難耐勞勞則疲倦精神稍不如前兩江地大政殷慎海疆之重防全該督之晚節出自逾格

鴻施

微臣

未敢妄請伏讀

諭旨令

臣

擇要駐紮將水師各營認真整頓不必拘定巡視長江原議以

專責成一節查巡視長江是

臣

職所應盡之事不敢不竭盡微忱惟整頓水師必須巡閱往來查訪方周

操練方熟勢不能擇一要地駐紮反覺散漫難稽見在俄事已結海宇澄清而防患未然正當乘此無事

之時力固海疆之屏障

臣

久病之軀難兼海防重任仍請 天恩派南洋大臣專辦海防俾

微臣

專巡

長江免致貽誤所有遵

旨確切查明各節恭摺據實覆奏伏乞

皇太后

皇上聖鑒謹

奏

請籌費趕造小輪船片

光緒七年七月十六日

再 臣愚見凡礮臺必須另有水陸二師互相輔助不成孤注始有把握如長江內各礮臺有長江水師舢

板

臣

已商定長江提督李成謀預爲派定若爲前隊若爲後隊若爲接應臨事卽由李成謀會同各鎮將

分派到臺相機相輔不致有誤至敵或捨舟登陸則非長江水師所能兼顧必有礮臺後路遊擊之陸師

方免憤事此最要著萬不可不預爲籌及至於吳淞礮臺懸在海濱長江舢板戰船勢不能往助於洪漕

巨浪之上此時雖有李朝斌所調操之江浙皖省各輪船臣愚以爲無事時虛壯海上聲威則有餘有事時輔助礮臺實用則難恃何也海疆無事各省輪船不難前來會操一旦有警則各省自有門戶俱需輪船保守方且應各本省差遣探報之不暇何能舍己從人悉來吳淞以保長江門戶此情理所不能強即軍令亦不能施故臣去冬奏請須自行修造十八丈小輪船十隻專爲防吳淞海口一軍已蒙 恩准飭修造第慮經費不足難應急需尙祈我 皇上飭催南洋大臣籌費解閩局滬局趕造若能迅成操練精熟與沿江礮臺相輔而行江海防務始敢言有把握夫事在人爲隨機應變彼以智來我當謀以愚法制之彼以巧來我當謀以拙法制之因地制宜用物制輪人力未始不可勝天惟經費餉糈爲第一緊要萬不可不先爲籌畫臣前次奏明請 諭飭各省籌海防者節有用無益之費以濟有益無費之用實事求是憂深慮遠意在於此應再請 旨飭南洋大臣廣籌軍餉經費認真未雨綢繆以免臨事倉皇幸甚臣年近七十心血虧盡病骨支離一弟無子今春病亡尙未入土臣孫孩提不能理事臣撫念時艱不敢以私廢公稍耽安逸惟此時江海無事似不必臣復行擇要駐紮惶惑人心致起謠傳臣拜摺後即循舊章上駛湘鄂俟巡江事竣仍懇 天恩賞准臣如往年定章回籍稍養病軀藉以卜葬臣弟設或有緊要事件當卽星夜下駛扼要駐紮臣一息尙存報 國之志不敢稍懈滯延時刻致誤事宜合併申明伏乞 聖鑒訓示謹 奏